

Ա. Ե. ՔՈՉԱՐՅԱՆ

ԳԻՏՈՒԹՅԱՆ ԱՆԽՈՆՋ ՄՇԱԿԸ

Հովհաննես Գևորգի Մաղաքյանը Հայաստանի երկրաբանական դիտությունների հորիզոնում առաջին անգամ երևաց 1943 թ., Հայրենական պատերազմի ամենաթեժ պահին, այդ արհամարհելի սովետական ժողովրդի համար բարենպաստ ավարտման զործում իր համեստ լուծման մոտեցուց հետո՝ Ճիշտն ասած, համեստ բառը գուցե այստեղ տեղին չէ, քանի որ նա երևան եկավ լուրջ վիթարի ենթարկված ողնաշարով:

Տողերիս հեղինակը Հովհաննես Մաղաքյանի հետ հեռակա ծանոթ էր դեռ 1946 թ. Լենինգրադի լենոնային ինստիտուտում ուսումնառության ժամանակից, ինստիտուտ, որտեղ նա դասավանդում էր «Մետաղային օգտակար հանածոների հանքավայրերը» և «Մալք ցամաքների մետաղաձուլության հիմունքները» առարկաները:

Իմ իսկական ծանոթությունը Հովհաննես Մաղաքյանի հետ երևանում տեղի ունեցավ արտասովոր ձևով: Մի առավոտ ինստիտուտի բակում հանդիպեցի հյուան վարպետին, որը անսովոր բարձրության մի զրասեղան էր պատրաստում: Վարպետը, համորից զուրկ չէր, իմ այն հարցին, թե այդ զրասեղանն ում համար է պատրաստում, մի անհավատալի պատասխան տվեց. ասում են, Գուլիվերից ավելի բարձրահասակ մի գիտնական է եկել և այս սեղանը դիրեկտոր Ալեքսանդր Գեմյոխինի կարգադրությամբ նրան է տրվելու:

Մի քանի օր հետո, դիրեկտորն ինձ ծանոթացրեց Մաղաքյանի հետ: Նախ և առաջ, մտքումս դալարացա վարպետի վրա, որն ինձ թյուրիմացության մեջ էր զցել, թե այդ գիտնականը Գուլիվերի նման մի աժդահա է: Նա, սովորական մի մարդ էր, միայն բնությունը նրան պարզեց էր արտակարգ հույս ո հավատ ներշնչող դիմադծեր:

Ներս մտա աշխատասենյակ, նա կանգնած էր մինչև կրծքավանդակը հասնող սեղանի առաջ և մանրադիտակի տակ ինչ որ նմուշ էր նայում: Նա խնդրեց, որ ես նստեմ: Նստեցի ու սպասում եմ, որ ինքն էլ նստի, չնստեց և ասաց, որ իր ողնաշարի վնասվածքը թույլ չի տալիս նստելու, որ նա, առաջ-ժրմ, կարող է կանգնել կամ պառկել:

Մեր առաջին խոսակցությունը ինձ վրա շատ հաճելի տպավորություններ թողեց նախ և առաջ իր երկրաբանական լավատեսությամբ, և, երկրորդ, այն առումով, որ ես էլ էի սկսել զբաղվել մետաղային օգտակար հանածոների ուսումնասիրությամբ, որի գծով Հովհաննես Մաղաքյանը արդեն ճանաչված մասնագետ էր:

Այդ գրույցի ժամանակ նա հայտնեց, որ մինչև սուղջական վիճակի բարվորումը զբաղվելու է Հայաստանի տարածքի մետաղաձուլությունը վերաբերվող ինստիտուտի թանգարանում ցուցադրված նյութերի մանրադիտի ու ուսումնասիրությամբ, իսկ 1944 թ. զարնանից կադմակերպելու է մի արշա-

վախումբ, որի նպատակն է տեղում ուսումնասիրել Հայաստանի բոլոր մետաղալին հանքավայրերը և հանքերակումները, հավաքել անհրաժեշտ այն բոլոր տվյալները, որոնք հիմք կհանդիսանան առաջին մետաղածնական քարտեզը կազմելու համար:

Նվ ահա, կազմակերպվեց ինստիտուտի № 1 արշավախումբը, որին գինվարավրեց զիտաշխատողների մի մեծ խումբ, այդ թվում առղերիս հեղինակը:

1944 թ. գարնանը Հովհաննես Մաղաքյանի արշավախումբը սկսեց իր գործունեությունը Հյուսիսային Հայաստանում, որը հետագա տարիներին ծավալվեց հանրապետության ամբողջ տարածքում:

Մենք հետո ենք կենսադրական ականարկ գրելու մտադրությունից, այդ մասին լիարժեք նյութեր են պետեղված տեղեկագրի հոբելյանական սույն համարում: Միայն կուզենաինք անդրադառնալ Մաղաքյանի աշխատանքային ոճի որոշ հարցերին:

Իմ (և ոչ միայն իմ) առաջին տպավորությունը դաշտային հետազոտությունների մասին այն էր, որ մեր արշավախմբի պետը արտակարգ աշխատասեր, կարգ ու կանոն սիրող, ի բնե, ի ծնե սահմանված ուժեղ ու պրոդ, վերին աստիճանի հոգատար, բարի և միաժամանակ խոտապահանջ մարդ է:

Արշավախմբում գերիշխում էր աշխատանքային և կենցաղային կարգապահությունը: Արշավախմբի ամեն մի մասնակից, լինելու դա հանքանյութերի հասարակ նմուշահավաք, սովազ զիտաշխատող, թե խոհարար, գիտեր իր անելիքները, հանձնարարության կատարման ժամկետը. ինչպես աշխատասեր ամեն մի մեղու իր հանքաբանական հյութի պետք է մուծեր արշավախմբի ընդհանուր «փեթակի» մեջ:

Մաղաքյան զիտեականին բնորոշ են նաև ազահաբար փաստեր կուտակելու սերը, շուտափութի իզրակացություններից հրաժարվելու սովորույթը, «յոթ անգամ չափիր, մեկ անգամ կտրիր» ավանդույթը:

Ասում են, որ շատ լավ է, որ լավ զիտեականը միաժամանակ և լավ մարդ է լինում: Դա ասված է հատկապես Հ. Մաղաքյանի համար: Նա և լավ մարդ է, և լավ զիտեական: Հոգատարության վառ օրինակ կարող է համարվել մի գեպը: Տողերիս հեղինակին հանձնարարված էր հետազոտել և նմուշարկել Սարիգյուղ-Սեբարի շրջանի մանգանի հանքավայրը: Առաջադրանքս, բայց իս, լրիվ կատարելուց հետո, Իջևանի շրջանի Սեբար գյուղից 20 կմ մանգանի հանքանմուշները լցրած ուսապարկի մեջ, ոտքով ճանապարհ ընկա գեպի: Նոյեմբերյանի շրջանի Կողբ գյուղը՝ արշավախմբի հանգրվանը: Ինձ անհրաժեշտ էր անպայման, հենց այդ օրը, անդ հասնել, քանի որ հաջորդ առավոտ արշավախումբը պետք է տեղափոխվեր Ալավերդու հանքադաշտը: Պատահական ուղեկից ավտոմեքենա չլինելու պատճառով ես տեղ հասա լուսաբացին: Հովհաննես Մաղաքյանը մի խումբ գործընկերների հետ գեո սպասում էր ինձ: Կարճատև հարցազրույցից և ընթերցելուց հետո, ես պառկեցի մի քիչ քնելու. իսկ նա ոտքի հանեց արշավախմբի մյուս անդամներին վերահանգրվանելուն պատրաստվելու համար:

Առանց թաքցնելու պետք է ասել, որ արշավախումբը Հայրենական պատերազմի այն ծանր պահին լուրջ դժվարությունների էր հանգիպում սննդի հայթայթման, փոխադրամիջոցների և այլ հարցերի գծով: Տարբեր վայրերից երբեմն սննդամթերքներ պարունակող ծանրոցներ էինք ստանում (մեծ

մասամբ խնքը՝ Մաղաքյանը)։ Եւ դրանք չէին բացւում, մինչև արշավախմբի ուղացած անդամը չէր վերադառնում հերթական երթուղուց։ Ծանրոցի պարունակությունը բաշխվում էր արշավախմբի անդամների միջև համաձայն նրանց տարիքի, սեռի և նախասիրությունների։

Ես կցանկանայի նշել մի շատ կարևոր հանգամանք։ Մաղաքյանի ամբողջ արշավախումբը աշխատում էր մեղույի մի ընտանիքի նման, նրա կազմում ոչ մի բոռ, ոչ մի անվաստակ, ձրիակեր անդամ չկար։ Արշավախմբի գործունեության հիմքում դրված էր՝ մեկը բոլորի, իսկ բոլորը մեկի համար սկզբունքը։

Ուսանելի և օրինակելի էր նաև մի շատ լավ սովորույթ. նույն օրվա հավաքած քարա-հանքանյութային նմուշները մշակել ու պիտակավորել մինչև հաջորդ աշխատանքային օրը։

Մի շարք երկար ու ձիգ լարված աշխատանքի տարիները տվեցին իրենց արդյունքը. լույս տեսավ մետաղածնության հարցերին նվիրված Հովհաննես Մաղաքյանի արժեքավոր մենագրությունը, որը բացի տեսական մեծ նշանակությունից, գործնական տեսակետից լուրջ ներդրում էր լեռնա-քիմիական արդյունաբերության մեջ։

Այդ աշխատության պիտական նշանակությունը կայանում է նրանում, որ Հովհաննես Մաղաքյանը մանրադնին մշակած ու վերծանած հարուստ փաստական նյութի հիման վրա Հայկական ՍՍՀ տարածքի համար հիմնավորեց մի շարք կառուցվածքա-մետաղածնական գոտիների առկայությունը, գոտիներ, որոնք բնորոշ են իրենց երկրաբանական զարգացման ու մետաղածնության ուրույն առանձնահատկություններով։ Դրանց թվին են պատկանում Ալավերդի-Ղափանի պղինձ-կոլչեդոնային, Սևան-Ամասիայի ուլտրաբազիտների, Փամբակ-Ջանգիլիորի պղինձ-մոլիբդենային և այլ գոտիներ։ Վերջիններիս սահմաններում նա եղրագծել է մի շարք հանքային շրջաններ, որոնց սահմանները պայմանական են, քանի որ մեր հանրապետության տարածքի կեսից ավելին ծածկված է երիտասարդ հրաբուխների արտավիժման նյութերով ու ժամանակակից նստվածքներով։ Այդ հանքային շրջանների պայմանական սահմաններն արտացոլում են մեր գիտելիքների լոկ ժամանակակից մակարդակը։

Հայկական ՍՍՀ տարածքի երկրաբանական-կառուցվածքային և կանխատեսումա-մետաղածնական մասնատումը կովկասյան տարածում ունեցող մի շարք գոտիների, վերջին ժամանակներս որոշ մասնագետների կողմից կասկածի տակ է դրվում, ոմանք շատ հեռու գնալով նույնիսկ ժխտում են մետաղային օգտակար հանածոների տեղաբաշխման օրինաչափություններն ըստ գոտիների։ Այդ հետազոտողները մասնավորապես նշում են հսկակովկասյան ուղղության խախտումների առկայության որոշ թերագնահատումը հանքայնացման տեղայնացման գործում։

Արդարությունը պահանջում է նշել, որ իսկապես հանքայնացումը վերաբերվում է կովկասյան և հսկակովկասյան ուղղությունների տեկտոնական խախտումների խաչաձևման հանդույցներով, որոնք վերագրվում են կովկասյան ուղղության ծայրավոր կառուցվածքների վրա, բնդ որում, որպես անհրաժեշտ պայման, պետք է առկա լինեն զեոքիմիական մասնագիտացված մագմատիկ ապարների համալիրներ։ Այս դրույթը, որը երբեք չի բացառվել Հովհաննես Մաղաքյանի կողմից, ավելի է հաստատում ու ճշտում մետաղային

հանքավայրերի գոտիական տեղաբաշխման նրա առաջ քաշած օրինաչափությունները:

Ի դեպ, երկրաբանա-կառուցվածքային գոտիների սահմանների մասին: Այդ գոտիները միմյանցից անջատվում են բնական սահմաններով. օրինակ, Ղափանի գոտին Փամբակ-Ջանգեղուրի գոտուց զատվում է հուստուփ-Գիրաթաղի խախտումով, Սևան-Ամասիայի գոտին Ախվերդի-Ղափանի գոտուց՝ ուղղիկալ վրաշարժերի սխտեմով և այլն: Սակայն, դա չի նշանակում, որ այդ բնական սահմաններն ամբողջ երկարությամբ ու խորությամբ իրենցից ներկայացնում են երկաթ-բետոնյա անհաղթահարելի պարիսպներ, երբեք ի վիճակի չեն եղել փակելու հանքաբեր լուծույթների շարժման ճանապարհը մի երկրաբանա-կառուցվածքային գոտուց դեպի մյուսը:

Այդ առումով, այս կամ այն գոտու համար մետաղածնական տեսակետից «խորթ» հանքայնացման առկայությունը չպետք է դարձանք պատճառի, «բինակ» մոլորեցնելի հանքայնացումը Ղափանի և Ախվերդու հանքավաշտերում, թեպետ այն կարող է ոչ մի «ազգակցական» կապ չունենալ Քաջարանի և այլ վայրերի մոլորեցնելի հետ:

Անձ է Հովհաննես Մաղաքյանի ղերը երկրաբանական կազմեր պատրաստելու գործում: Նա երկար տարիներ մասնագիտական առարկաներ է դասավանդել Լենինգրադի լեռնային ինստիտուտում և Երևանի պետական համալսարանում: Առավել արժանի է դրվատանքի նրա ակտիվ գործունեությունը բարձրորակ երկրաբան պիտանականների կազմեր պատրաստելու գործում. ինչպես ասպիրանտուրայի, այնպես էլ սնհատական ուսու միասիրությունների միջոցով:

Հովհաննես Մաղաքյանի անունը անխզելիորեն կապված է ՀՍՍՀ ԳԱ երկրաբանական դիտությունների ինստիտուտի ընդերքում մետաղածնության ուրույն ուղղություն ստեղծելու հետ, ուղղություն, որը նրա ղեկավարությամբ հաջողությամբ զարգացնում է գիտնականների մի թվաշատ կոլեկտիվ:

Նա իմ պարտքն էմ համարում նշելու, որ Հովհաննես Մաղաքյանի հետ վերին աստիճանի հաճելի է աշխատել և ուսումնասիրել մեր հանքայնատվյալն ընդերքի մետաղային հանածոները: Իսկ ով նրա հետ աշխատում է, մեկընդմիջտ պետք է իմանա նրա նշանաբանը. շիմանալը ամոթ է, իսկ իմանալ շքանկանալը՝ կրկնակի ամոթ:

Վերջացնելով խոսքս, Հ. Գ. Մաղաքյանին սրտանց շնորհավորում եմ պանծալի 60-ամյակի կապակցությամբ, ցանկանում եմ քաջուղղջություն, երկրաբանական երկարակեցություն և նորանոր հաջողություններ ի փառս հայրենական դիտություն: